



Meyara o kopana le batšweletši ba bagolo ba Daemane, Venetia Mine

Meyara wa Blouberg Cllr Maria Thamaga o etetše Moepo o mogolo wa Daemane wa Venetia. O be a farafarilwe ke maloko a komiti-khuduthamaga le bašomedi ba Masepala. Ketelo yeo e be e nepilwe go matlafatša segwera le tirišano magareng ga Maene le Masepala. Go tloga mola Maene o hlongwago, segwera sa ona le Masepala sebe se gola ngwaga ka ngwaga. Ka tšumišano mmogo, Maene o kgonne go thuša setšhaba sa Blouberg ka diProjekte tša go fapano.

Ketelo ya Masepala gola Venetia Mine e latela morago ga gore Moepo le ona o etele Masepala kgwedding ya February gotla go tseba Meyara le go tsebiša boetapele bja ona. Baetapele ba moepo ba hlaloseditše Masepala ka lenaneo la ona la thušo ya setšhaba ebago Social Labor Plan. Ka gare ga lenaneo leo go akaretšwa diprojekte tše mmalwa bjalo ka ya Mabone a Solar kua Alldays, yeo e tlileng go tšwetšwa pele ka Senwabarwana le Mešateng ya mono Blouberg.

Nakong ya ditherišano le ba Moepo Meyara Cllr Thamaga o gateletše gore Moepo o swanelo go thuša Masepala ka diprojekte tše kgolo bjalo ka tša Ditsela le Meetse. O gateletše temana ya gore Moepo o swanelo go tšwela setšhaba mohola, go ena le go lebelela fela taba ya go dira letseno.

Ka lebaka la melawana ya Covid19 baeng ka moka ka Moepong ba ile ba swanelo ke go dira diteko tsa Covid19.